

Til Vaksdal kommune
Konsul Jebsensgt. 21
5722 Dalekvam

Utviding av kaiområdet på Hedlo

Viser til tidlegare søknad i samband med drivstoffanlegg på kaien i Stamnes sentrum. Som kjent er desse planane no lagt bort. Stamnes Handel AS vil gjennomføra planane med å utvida kaiområdet utan å etablera drivstoffanlegg.

Vedlagde teikning viser korleis utvidinga er planlagt.

Stamnes Handel AS har munnleg avtalt leige av det området som er eigd av Ove Gunnar Dyvik. Det er også munnleg avtalt leige av den delen av området som høyrer til Vaksdal kommune. Vaksdal kommune har sagt seg villig til å utarbeida leigekontrakter for desse områda.

Kostnadsoverslaget for å gjennomføra den planlagde utvidinga utan vatn og landstraum for båtar er på 2,3 millionar kroner. Stamnes Handel AS søker om 1,2 millionar kroner frå Vaksdal kommune i tilskot til å gjennomføra utvidinga av kaien.

Det er fleire føremål med utvidinga av kaiområdet. Her kjem ei punktvis oppstilling:

- Det vil vera eit estetisk løft for heile området å få fjerna konstruksjonane etter den gamle ferjekaien på Hedlo.
- Området kan relativt enkelt kunna leggjast til rette for fritidsaktivitetar, grillplass, opphaldsplass for ungdom osv.
- Ved å få ferskvatn og landstraum på området i tilknyting til flytekaien, vil det verta meir attraktivt for fritidsbåtar å besøkje Stamnes.
- På litt sikt vil me prøve å få laga eit servicebygg på plassen.

I tillegg til tilskotet som er omtalt ovanfor, ber vi om Vaksdal kommune om følgjande:

- Fritak for tilkoplingsavgift og vassavgift for ferskvatn på kaien.
- Kommunen tek kostnadane med å få installert landstraum til båtar.
- Skiltet som viser at det berre er lov å liggja 24 timar ved flytekaien, vert fjerna. I staden for dette kan kommunen krevja avgift for å liggja ved kaien over eit visst tidsrom.

Når me får positivt svar på denne søknaden vil me få konsulent til å prosjektera og søkje om byggjeløyve etc. Gjer merksam på at ein vil søkje om å få nytta den delen av ferjekonstruksjonen som er støypet som fyllmasse i kaien.

For Stamnes Handel AS

Kenneth Vik
-Styreleiar Stamnes Handel AS-
Tlf. 905 99 193

Vedlegg: Kartskisse

Vedlegg: Kartskisse

